

## ODRŽANI IZBORI ZA ČLANOVE SAVJETA ČETIRI MJESNE ZAJEDNICE NA PODRUČJU OPĆINE NOVO SARAJEVO

Dana 24. decembra 2023. godine održani su izbori za članove savjeta četiri mjesne zajednice na području općine Novo Sarajevo.

Sva četiri biračka mjesta su otvorena u 07:00 sati, a zatvorena u 19:00 sati. Izbori su održani u skladu sa Statutom općine Novo Sarajevo, Statutom mjesnih zajednica i Uputstvom o provođenju izbora i ostalim aktima koje je donijela Općinska izborna komisija. Za posmatranje izbora su bila akreditovana dva posmatrača. Građani i građanke Novog Sarajeva su među 49 kandidata i kandidatkinja, birali 20 članova i članica savjeta mjesnih zajednica.

Pravo glasa je imalo 7.343 birača, dok je na izbore izašlo 737 glasača. Dakle, izlaznost je bila ukupno 10,04%.

Izlaznost po mjesnim zajednica je kako slijedi:

I. MZ ČENGIĆ VILA II	8,42%
II. MZ KOVAČIĆI	8,89%
III. MZ GORNJI KOVAČIĆI	7,22%
IV. MZ KVADRANT	20,52%

Zbirni rezultati izbora su objavljeni na oglasnim pločama mjesnih zajednica i na web stranici općine Novo Sarajevo. Napominjemo da će Općinska izborna komisija, u skladu sa Odlukom Općinskog vijeća, u roku od 5 dana (do 29. decembra 2023. godine) dostaviti Općinskom vijeću Novo Sarajevo Izvještaj o provedenim izborima, koje verifikuje rezultate izbora u roku od 30 dana od dana održavanja izbora. Prema odredbama Statuta mjesnih zajednica, sastav savjeta mjesne zajednica odražava približno nacionalnu strukturu stanovništva date mjesne zajednice, radi osiguranja zastupljenosti svih konstitutivnih naroda i ostalih.

*Politika javnosti i transparentnosti: Općinska izborna komisija podsjeća da je njen rad javan i transparentan, u skladu sa Izbornim zakonom, podzakonskim aktima Centralne izborne komisije BiH i Poslovnikom o radu Općinske izborne komisije. Informacije o aktivnostima Općinske izborne komisije redovno i blagovremeno se objavljuju na web stranici Općine Novo Sarajevo, dok su njene sjednice, u pravilu, otvorene za javnost.*